

7 April 2011

Jaargang 4 – Uitgawe 10

In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Advertensies
- Agterblad



Teken in op e-Hervormer en ontvang elke uitgawe gratis per e-pos!

- Besoek die webwerf by www.hervormer.co.za en klik op die "Teken in"-opsie; of
- stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

Die tekens van die eindtyd?

Oorstromings, droogtes, vulkaanuitbarstings, siklone, aardbewings, kernrampe, tsoenami's – g'n wonder mense voorspel dat die aarde binnekort gaan vergaan nie!

Dan is daar nog die antieke Maja-volk wie se kalender in 2012 eindig en sommige mense paniekerig het. Is dit die tekens van die einde van die wêreld? Het 'n antieke geskrif (die Bybel) of 'n antieke volk (die Majas) vir ons leidrade gelos om te bepaal wanneer die einde gaan kom en dat ons ons daarop moet voorberei?

Die mense wat so dink, reageer verskillend. Sommige berei voor deur bomskuilings te bou en blikkieskos op te gaar, ander bid dat dit nie moet gebeur nie, en ander bid weer dat dit asseblief tog moet gebeur om ons van hierdie sondige wêreld te verlos. Die voorspelling van die einde van die wêreld het verskillende gevolge onder mense: Sommige is bang en onseker, ander is kwaad, party is selfs bly, maar die vraag is: Hoe moet ek en jy daarop reageer?

Met die onlangse aardbewing in Japan het ek tot die besef gekom hoe klein die wêreld geword het én hoe groot die wêreld is. Aan die een kant maak die *global village* dat ons binne enkele ure weet van die tragedie wat aan die ander kant van die aarde gebeur, en dit voel asof dit ons buurdorp is wat deur die tragedie getref is. Aan die ander kant besef ek weer met watter kleinlikhede ons onself hier, in 'n klein landjie, in 'n klein kerkie, in 'n klein gemeentetjie, in 'n klein gesinnetjie besig hou, terwyl miljoene mense se lewens in 'n oogwink verwoes is.

Vir my is dit irrelevant om te redeneer of die eindtyd môre of volgende jaar of oor duisende jare gaan aanbreek – hierdie gebeure het my net weer wakker geruk om te besef hoe belangrik NOU is. Hoor wat sê Jesus in Lukas 17: 20-21: *Die koms van die koninkryk van God kan nie uit voortekens bereken word nie. Hulle sal nie kan sê: "Kyk, hier is dit!" of: "Daar is dit!" nie, want die koninkryk van God is hier by julle.*

Die koninkryk van God is hier! Hoor ons dit, of sit ons maar gelate en wag op die wederkoms? Moet ons nie dalk ophou om oor onmoontlikhede te wonder of ons met onbenullighede besig te hou nie? Ek wonder wat sou gebeur as elke Christen, VANDAG, met liefde en deernis en barmhartigheid teenoor almal sal optree wat hulle teëkom – dit sluit in dié met wie jy nie saamstem nie, van wie jy nie hou nie, hulle wat anders as jy is en dink en doen. Dit sal verseker die grootste aardskuddende gebeure ooit wees – en ek wil dit waag om te vra: Sal dit nie dalk die werklike teken wees dat God se koninkryk naby gekom het nie?



Skakels

Webblad van die Hervormde Kerk www.nhk.co.za
Die Hervormer www.hervormer.co.za
e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, klik op www.hervormer.co.za/cancel.html

Ds Anet Dreyer-Krüger, Rustenburg-Suid

BEROEPE EN STANDPLASE

Kontak die webbladredakteur, prof Ernest van Eck, by ernest.vaneck@up.ac.za om vakante standplase op die Kerk se amptelike webblad by www.nhk.co.za te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Fanie Pretorius by 012 322 8885 x256 in dié verband.



Ds Martin Meyer

Ds Pierre Roets

Beroep ontvang

- **Ds Martin Meyer** van Standerton na Secunda
- **Ds Pierre Roets** van Springs-Oos na Montana-Oos
- **Ds Thinus van Staden** van Montana na Verwoerdburg

Beroep aanvaar

- **Ds Janine Bevolo-Manders** van Hartebeeshoek na Witfontein (deeltyds)
- **Prop Yolandé Benadé** na Westonaria (deelsorg)
- **Dr Gerhard Nel** van Hartebeeshoek na Horison Roodepoort



Ds Thinus van Staden

Ds Janine Bevolo-Manders

Vakante standplaas

- **Gemeente Harrismith** beskik oor 'n vakante **deeltydse standplaas**. Die gemeente is saamgestel uit ongeveer 50 belydende lidmate, en bied 'n unieke uitdaging aan 'n bedienaar van die Woord om in 'n tipiese dorpsomgewing die Woord te verkondig. Daar sal van kandidate verwag word om, na die indiening van 'n CV (tesame met 'n kort beskrywing van hom- of haarself), moontlik met die kerkraad in gesprek te tree. Die kandidaat moet ook saam met sy of haar gade die gemeente op 'n Sondag besoek en die erediens lei. Die Kerkraad behou die reg om 'n predikant te beroep wat nie aansoek gedoen het nie.

Predikante wat daarin belangstel om die gemeente te bearbei, kan 'n CV stuur na tanya@centre-africa.com of per gewone pos na Posbus 797, Harrismith 9880 **voor 10 April 2011**. Kontak oudl Cobus van der Laarse by 082 452 2953 vir meer inligting.



Prop Yolandé Benadé

Dr Gerhard Nel

PREDIKANTE EN GEMEENTES

- Ons het die volgende **skrywe van Lukas Mc Donald** ontvang:

“Ontvang hiermee ons opregte dank vir al die berigte wat u geplaas het in die *e-Hervormer* oor my vader, **ds AT Mc Donald**. Ons waardeer u meeleving opreg. Ons wil graag ook al die mense bedank wat hom besoek het, voorbidding gedoen het en aan ons simpatie betuig het met sy afsterwe. Nogmaals baie dankie!”

- **Ds Arnold Viljoen** maak geringe vordering maar is steeds in die intensiewe afdeling van die Windhoek-hospitaal. Hy word nou met tye van die dialisemasjien afgehaal, maar is steeds aan die asemhalingsapparate gekoppel. Mev Karien Viljoen word getrou bygestaan deur die egpaar di Milankie en Barnie van der Walt, en die gemeente van Windhoek. Die Kerk se voorbidding word steeds vir die gesin gevra. Ds en mev Viljoen het een dogtertjie.

- Ons het die volgende **skrywe van Gemeente Coligny** ontvang:

“Gemeente Coligny wil graag **ds Ronel Eckard** bedank vir die tyd dat sy ons bedien het met die Woord. Sy was vir ons 'n lig in die duister, 'n fontein in die woestyn en 'n rots om op te leun. Die gemeente gaan haar en die gesin baie mis.



Ds At Mc Donald



Di Ronel en Eddie Eckard



Dr Rudy Denton

Ons dra haar en ds Eddie op aan die Heer se genade daar waar hulle nou in hul nuwe gemeente gaan werk. Gemeentes Messina/Van Warmelo, julle het goud ontvang, ons gebede is met julle, ontvang hulle met ope arms en warm harte... Van almal in die gemeente.”

- Met die aanvaarding van die beroep na Gemeente Witfontein, sal **ds Janine Bevol-Manders** nou saam met haar eggenoot, **ds Jimmy Manders**, in een gemeente werk. Dit is 'n ideaal wat hulle gekoester het oor jare en wat nou moontlik gemaak is deur die gemeente. Hulle word sterkte toegebied met hul werk daar.
- **Ds Rudy Denton**, predikant van Potchefstroom-Studente, het voldoen aan die vereistes van die graad Doctor Diaconologiae (Speltherapie-rigting). Baie geluk!
- **Die volgende predikante verjaar tot 15 April**, en word hartlik geluk gewens.
 - o Donderdag 7 April: Di Corné Lemmens (Villieria), Frans Redelinghuys (Oos-Londen) en dr Hennie van Deventer (emeritus)
 - o Vrydag 8 April: Ds Marius Bacon (El-Flora)
 - o Maandag 11 April: Ds Gys van R Els (Brackenhurst)
 - o Dinsdag 12 April: Ds Paul Janse van Rensburg (Primrose)
 - o Woensdag 13 April: Prof Alex Antonites (emeritus), di Theuns Botha (emeritus), Nardus Enslin (Rustenburg-Kloof) en Gerrie Grobler (emeritus)
 - o Donderdag 14 April: Di Hans Britz (Outjo/Otjiwarongo), Fanie Hoffman (Belfast/Waterval Boven) en James Jooste (Groeneweide)
 - o Vrydag 15 April: Dr Hannes Beukes (Bethal) en ds Wessel Swart (Klerksdorp-Wilkoppies)
- Aansoeke word ingewag vir die **pos van Sekretaris van die Kommissie van die Algemene Kerkvergadering (AKV)** by die Sinodale Kantoor. Die suksesvolle kandidaat moet –
 - o 'n geordende predikant van die Nederduitsch Hervormde Kerk van Afrika wees;
 - o oor 'n minimum van 10 jaar werkservaring beskik;
 - o bereid wees om soms uitstendig te wees, byvoorbeeld ten opsigte van seminare, kongresse en vergaderings;
 - o rekenaarvaardig wees, veral in Microsoft Office; en
 - o oor bewese bestuurs- en kommunikasievaardighede beskik.

Die hoofdoel van die pos is om, onder leiding van die Skriba en die Kommissie van die AKV, as Sekretaris van die Kommissie van die AKV op te tree met die oog op geordende vergaderings en die deurgee van besluite aan die toepaslike liggame vir uitvoering. Afgeleide doelwitte word in samewerking met die Kommissie van die AKV (Skriba) geformaliseer.

'n Mededingende salarispakket word aangebied. Diensaanvaarding is op **1 Julie 2011**. Meer inligting sal op aanvraag beskikbaar gestel word. Hierdie is 'n **kontrakaanstelling vir 5 jaar**, en die voorwaardes sal individueel onderhandel word.

Stuur asseblief 'n verkorte CV **voor of op 16 April 2011** aan mnr Piet Beukes by piet@nhk.co.za, of faks dit na 012 322 7909, vir aandag P Beukes.

- Nadat hul standplaas lank vakant was, ontvang **Gemeente Westonaria** hul nuwe predikant, **prop Yolandé Benadé**, op Sondag 17 April.



- **Gemeente Olifantsfontein** ontvang hul nuwe predikantspaar, **dr Jan en mev Nilia Vorster**, op Sondag 17 April.
- **Gemeente Strand** se huis-/kerkorrel is na jare se diens ter ruste gelê. Die gemeente is dringend op soek na 'n ander orrel om te koop; as daar 'n skenking kan wees, sal dit waardeer word. Hulle stel veral belang in 'n werkende pyporrel. Kontak ds Jan Claassen by 084 400 5137 of two.oceans@yahoo.com.
- **Preekbeurte in Coligny.** Predikante word genooi om by Gemeente Coligny te preek en gratis verblyf vir die naweek te kry. Die verblyf is vir die predikant en sy/haar gesin. Die blyplek is 'n ten volle toegeruste selfsorgeenheid in 'n veilige kompleks. Kontak oudl Oelof Vorster by jsjordan@telkomsa.net of 084 206 9523.
- **Preekbeurte in Dullstroom.** Predikante kan by Gemeente Dullstroom preek en gratis verblyf vir die naweek kry. Die verblyf is vir die predikant en sy/haar gade en 'n voorskoolse kind. Vir ander kinders moet self betaal word. Kontak Johanna by [nhkdullstroom@yahoo.com](mailto:nhkDullstroom@yahoo.com) of 072 116 3353.
- **Gemeente Wonderboompoort** beskik oor **studenteblyplek in Eloffsdal**, Pretoria. Kamers met gesamentlike badkamer teen R900 per persoon wat deel, R1 500 per enkeling. Kamers met en suite badkamer en stoorkamer teen R1 200 per persoon wat deel, R2 000 per enkeling. Water en ligte en veilige parking is ingesluit. Dit is op 'n busroete, 5 km vanaf Kerkplein, 2 km van die Eugene Marais-hospitaal, naby die universiteite. Kontak Johan by 082 212 2137.

Spesiale eredienste en feesnaweke

- **Sondag 10 April om 11:00: Gemeente Potchefstroom-Suid**
Ds Geo Smit vier 25 jaar in die amp
Kontak Yolande van der Walt by 018 294 6871 of nhkps@mailbox.co.za
- **Vrydag 15 tot Sondag 17 April: Gemeente Volksrust: 150ste verjaardag**
Vrydag: Feesbasaar
Saterdag: Boomplanting, Voorbereidingsdiens en formele ete
Sondag: Nagmaaldiens, Dankseggingsdiens en vingerete
Kontak ds Paul Buitendag by 082 853 8900 of buitendag@telkomsa.net
- **Sondag 17 April: Gemeente Morgenzon**
Viering van 75ste verjaardag na erediens
Kontak skriba Neels Scholtz by 017 933 3067, 017 793 3068
of scholtzn@mweb.co.za
- **Sondag 8 Mei om 09:30: Gemeente Delareyville**
Dankseggingsdiens na die Genl Delareyfees van 7 Mei
Kontak Adrie Hattingh by nhkerk@lantic.net
- **Vrydag 27 tot Sondag 29 Mei: Gemeente Germiston: Eeufees**
Kontak ds Johan Ayres by johanayres@absamail.co.za vir meer inligting
- **Vrydag 27 tot Sondag 29 Mei: Gemeente Drie Riviere: 50ste verjaardag**
Vrydag: Kuier rondom woonwaens en tente
Saterdag: Basaar
Sondag: Nagmaal
Kontak ds John Putter by jdputter@vodamail.co.za of 016 423 3413
of mev Santie Rossouw by nhk3riviere@mwebbiz.co.za of 016 423 5405



Toere

- **28 Junie tot 12 Julie: Griekeland (hoofland) en Turkye**
Geniet 3-dae-bootvaart na Griekse eilande
Kontak **ds Larry van der Walt** by 082 666 0261 of larry@newtestament.co.za
- **26 tot 30 September: 2011 Konteks-toer na Laeveld**
Onder leiding van **dr Hennie van Deventer**
Skakel dr Van Deventer (toerleier) by 082 786 8448
of Marius Wiese (toergids) by 082 374 2995

Konserte

- **Saterdag 16 April 10:00 tot 13:00: Gemeente Theresapark**
Country Familiedag met Pieter Cloete en die Rodeo-lyndansers
Te Vivaldi, Sylviastraat 78, Heatherdale
Volwassenes R50 en kinders R20 (sluit pap, wors en sous in)
Bring eie eetgerei en drinkgoed
Kontak Mariana van Zyl by 012 542 3568 of nhtheresapark@absamail.co.za
- **Vrydag 3 en Saterdag 4 Junie: Gemeente Van der Hoff (Groblersdal)**
Die vallei het talent
Vrydagaand uitdunne en Saterdagoggend finaal
Kerkterrein, Voortrekkerweg, Groblersdal
Toegang gratis – genoeg te eet en drink!
Kontak Kobus Ehlers by 082 692 9809
- **Vrydag 16 September: Gemeente Klerksdorp-Wilkoppies**
Kurt Darren
Vanaf 19:00 by die rugbyveld van Wesvalia-skool
Eerste 250 kaartjies naby verhoog R100 elk; res R80 elk
Kaartjies by Maranata-grasdakke, Vleistraat 50
Kontak 018 468 3769 of 083 449 9907, of George Foley by 083 750 0699

Sportbyeenkomste

- **Saterdag 23 April: Gemeente Namibkus**
Hengelkompedisie in Hentiesbaai oor Paasnaweek
Verwag meer as 'n duisend deelnemers
N\$25 000 se pryse in verskeie kategorieë
N\$5 000 vir swaarste eetbare vis, N\$1 500 vir swaarste kabeljou,
N\$1 000 vir verskeie ander visspesies
Trekking van 30 kaartjies met N\$10 000 se pryse
Eet- en drinkgoed van vroegdag af
Hoogtepunt om 16:00 wanneer skaal sluit en wensisse opgeveil word
Kaartjies N\$30
Kontak ds Leon Janse van Rensburg by +264 64 20 2044 (landlyn)
of +264 81 128 5169 (selfoon)
- **Saterdag 30 April tot Maandag 2 Mei: Gemeente Piet Retief**
Hengelkompedisie by Heyshopedam se bootklub
1ste prys akkommodasie vir twee nagte en 'n dag se hengel per boot op see
by Richardsbaai vir twee persone
Ander pryse ook en gelukstrekkinge
Staanplek by bootklub gratis
R100 per volwassene en R50 vir 15-jariges en jonger vir hele naweek
Kaartjies by **Pill Box-apteek**, **Pro Deo** en **Coffee Shoppé** op Piet Retief
en Vrydagmiddag en Saterdagoggend by die oord

Kontak Gerda by 082 334 3583, Johan by 083 630 3226
of Flip by 083 785 5448

- **Saterdag 28 Mei: Gemeente Derdepoort: Gholfdag**
Mooipoort
American Scramble 4 x 2-bal
Spelers en borge welkom
Kry meer inligting by mej@mweb.co.za

Ander kompetisies en fondsinsamelings



- **Gemeente Philadelphia: Resepteboek: Philadelphia-Feestafel**
R150 per eksemplaar
56 bydraers se 415 uithalerresepte
Ook afdeling oor Bybelse etes en feeste
Bestel van Louise Geysers by 012 361 0579, 082 560 4279
of louise.geyser@absamail.co.za
- **Gemeente Alberton-Wes: Bome te koop**
Koorsbome, soetdoringbome en vaderlandswilgers teen R100 per boom
Reeds ongeveer 2-3 meter hoog
Kontak ds William Harmse by 082 493 6715
- **Gemeente Tzaneen: Jagkompetisie**
R100 per kaartjie, **trekking** van wenkaartjies **5 Mei**
1ste prys: 1 eland, 2 rooibokke, 2 nagte akkommodasie vir 2 jagters
en 2 nie-jagters by Tranquil Nest tussen Alldays en Pontdrift
2de prys: 1 koedoe, 2 rooibokke, 'n vlakvark, 2 nagte by Plaas Keerom,
Mooketsi, Limpopo vir 6 persone waarvan 2 jagters is
3de prys: 1 blouwildebees, 2 rooibokke, 'n vlakvark, 2 nagte by Plaas Keerom
vir 6 persone waarvan 2 jagters is
Troosprijs: 2 broodbome
Kontak ds Richard van der Westhuizen by 072 144 7514
of Emmarentia by 015 307 4508

Basaars en markte

- **Saterdag 30 April: Gemeente Vaalharts (Hartswater): Kontreifees**
Ook 'n marathon en bergfietswedren
Kontak Nelia by 053 474 0200
- **Saterdag 30 April: Gemeente Greylingstad: Basaar**
Klein plaasgemeenskap met vleis as groot aantrekkingskrag
Kontak Casper Pieters by 082 493 9872
- **Maandag 2 Mei 2011: Gemeente Potchefstroom: Basaar**
Van 08:00 tot 14:00 op Kerkplein in Potchefstroom
Gemeente bied vir 19de keer die **Noordwes-Motorskou** aan
Meer as 300 veteraanmotors, ongeveer 4 000 besoekers
Verskeie gaskunstenaars, onder andere Clive Bruce
Kontak ds Willem Kok by 083 664 0058
- **Vrydag 6 en Saterdag 7 Mei: Gemeente Rustenburg: Outydse Boerefees**
Vrydagaand: Dans saam met Boeremusiekgilde
R100 per persoon (sluit ete in)
Saterdag: Kom kyk wat in ons voorouers se tyd gedoen is
Koffie brand, rieme brei, mielies maal, seep kook, koei melk, botter afmaak,
swepe vleg, ens



Tuisgebak uit bakoond
Ry op eietydse donkiekar
Kontak Cecile le Roux by 083 230 8981 of 084 208 7445

- **Saterdag 7 Mei: Gemeente Delareyville: Genl Delareyfees**
Goewermentstraat 31, Delareyville
Met Bobby van Jaarsveld
Toegang gratis
Kompetisie R100 per kaartjie
Wen bul en 10 topverse; of 5 topverse; of bootvaart na Portugese Eilande
Kontak Ben van der Ryst by 082 372 7035 of Attie Hattingh by 082 770 6862
- **Saterdag 28 Mei vanaf 08:00: Gemeente Schoemansdal: Bosveldbasaar**
Hoofkunstenars Jay van Eden en Steve Hofmeyr
Gratis vertoning, meer as genoeg kos
Kontak 012 253 0146 (08:00 tot 13:00) of 083 536 1430
- **Saterdag 4 Junie vanaf 09:00: Gemeente Kathu: Kameeldoring-karnaval**
Met Kurt Darren
Kompetisie R100 per kaartjie
Wen 7-voet Venter-waentjie; dubbeldeur yskas-vrieskas-kombinasie;
patio-gasbraaier; Sony Playstation 3; of potspeltafel
Kontak Rita Kern by 083 328 4465, Buna Schmulling by 082 463 8367
of ds Joseph Steyn by 084 502 4829

ANDER NUUS

- Die *e-Hervormer* word tans aan **3 275 ontvangers** gestuur. Let asseblief daarop dat daar **nie 'n uitgawe** sal wees op **Donderdag 28 April** nie.
- Die evaluering van **voornemende teologies studente** vind by die Universiteit van Pretoria plaas gedurende die **Junie/Julie-skoolvakansie** van elke jaar. Matrikulante en persone wat reeds gematrikuleer het, kan aansoek doen om as student van die Hervormde Kerk te studeer. Aansoekvorms kan aangevra word vanaf die Administrateur, Kuratorium vir die Teologiese Opleiding, Posbus 2368, Pretoria 0001; e-pos betsie.brits@up.ac.za; tel 012 420 5393; faks 012 420 4303. Die **sluitingsdatum** vir inhandiging van volledig voltooide aansoeke is **30 April jaarliks**.
- Die **Ondersteuningsraad** beskik tans oor die volgende **vakante poste**:
 - Maatskaplike Werkers: Witbank, Krugersdorp en Pretoria (moet by die Raad geregistreer wees)
 - Sekretariële Beampte (deeltyds): Kempton Park
 - Hulp- Maatskaplike Werker: Brakpan – nuwe pos (moet by die Raad geregistreer wees)

Alle aansoekers moet oor 'n geldige rybewys beskik
Salarispakkette sal afhang van jare ervaring
Kontak Mariaan Steenkamp by mariaans@nhk.co.za
of Charmaine Fourie by oraadpb@nhk.co.za, 012 322 8885 x313
of 071 684 7796

- Die **Sentrum vir Kontekstuele Bediening** van die Fakulteit Teologie aan die Universiteit van Pretoria, in samewerking met die Sentrum vir Bedieningsontwikkeling Excelsus, bied **gedurende April** die volgende **kursusse in Pretoria** aan:

16 April

Misdaad in Suid-Afrika en die rol van die kerk

Tweetalige aanbieding
Kursusleiers dr Johan Burger (Instituut vir Sekerheidstudies),
mnr Johan Duvenhage en dr Hannes van der Walt

18-20 April
Radiokommunikasie
Kursusleier dr Flip Loots

19-20 April
Bybel en sy boodskap
Module 1A (3de herhaling)
Kursusleiers dr Gys Loubser en dr Gustav Claassen

19-20 April
Bybel en sy boodskap
Module 3A (1ste keer)
Kursusleier (Pauliniese materiaal) prof Francois Malan

Vir meer besonderhede, gaan na www.ccm.up.ac.za
of stuur 'n e-pos na suki.vanjaarsveld@up.ac.za

- In die ramp-geteisterde **Japan** is daar tans ongeveer **1% Christene**. Die sendelinge van die **Christelik Gereformeerde Kerk** in Tokushima-stad bedank almal wat hulle reeds ondersteun het, en versoek ons om te bid dat ontelbare mense in Japan tot geloof sal kom. Op die foto is 'n 4 maande oue baba wat na 3 dae in die rommel en modder lewend gevind is. Vir meer inligting oor gebedsversoeke en hoe om betrokke te raak, besoek www.missiejapan.co.za, of stuur 'n e-pos aan stephan@missiejapan.co.za. Kontak die Missie Japan Rampfonds by 051 406 6729.
- Die **volgende vergaderings** vind tot 15 April plaas. Betrokkes moet hulself asseblief vergewis van die korrekte vergadertye en lokale.
 - Vrydag 15 April: Moderamen
 - Maandag 18 April: Kommissie van die AKV



KOMMENTAAR

Lesers kan kort kommentaar (uiters 100 woorde) stuur aan produksie@nhk.co.za. Langer bydraes sal nie geplaas word nie, en moet eerder na die gespreksforum van die Kerk se webblad by www.nhk.co.za gestuur word. Die finale besluit oor plasing in die *e-Hervormer* berus by die redakteur.

“As gewone lidmaat van die Kerk, ontstel die skrywes van predikante en lidmate 'n mens wanneer die Kommissie van die AKV in diskrediet gebring en uitgedaag word. Ook die berigte dat gemeentes hul heffings aan die Kerkkantoor weerhou. Wat moet ons in hierdie weerbarstigheid lees?”

Ek het pas *God die Heilige Gees* van prof BJ Engelbrecht gelees, en wonder onwillekeurig of die Heilige Gees nog werkzaam is in die Hervormde Kerk, of ampsdraers hulle nog onderwerp aan die gesag van die Heilige Gees, en of eiebelang nou hoogty vier. Wat 'n droewige situasie as die Kerk verbrokkel vanweë menslike voorkeure.”

HJ Bester, Namibië



“Die manier waarop tans in ons Kerk gehandel word oor ’n besluit rakende ekumeniese bande maak my as lidmaat onrustig: ...*gaan een gelowige nou met die ander hof toe, en dit voor ongelowige regters?* (1 Kor 6: 6). Ons manier en verantwoordelikheid is om ons voortdurende soeke, gesprekke en verootmoedigende gebede in ware broederliefde, met respek en dissipline, binne die veilige ruimte van die Kerk te voer. Koerantberigte wat uitbasuin dat binne die Hervormde Kerk gedreig word met hofsake as nie onmiddellik na ’n groep se wense gebuig word nie, is ’n aanduiding dat ons die saak verkeerd hanteer.” (*Volledige brief in Die Hervormer, Mei 2011*)

Cecilia Prinsloo-Van der Linde

“Die redenasie van die *beswaardes* wat nie saamstem met die besluit van die AKV nie, slaan my stom. Om die kwessie in ’n hof te wil besleg! Om in ’n verhouding met God te staan, die liefdesverhouding waarin Hy die middelpunt van ons bestaan word, beteken juis om terug te staan *ten spyte van*: omstandighede, besluite waarmee ek nie saamstem nie, menslike opinies, swaarkry... So gee ek aan God die geleentheid om beheer te neem *ter opoffering van my eie wil en opinies.*” (*Volledige brief in Die Hervormer, Mei 2011*)

Danie Papenfus

“Dit is vir my baie hartseer dat lidmate so beswaard is oor sekere besluite van die AKV. Dié wat nie beswaard is nie, laat nie juis van hulle hoor nie. Nou is dit vir my en my man nodig om te sê dat die meerderheid wat *vir* die voorstel gestem het, óns, en ek neem aan die stille meerderheid in ons en ander gemeentes, verteenwoordig het. Dit is mos tog hoe besluite geneem word, ook op die AKV. Hoekom word ander besluite as die wil van God aanvaar en nie dié een nie?” (*Volledige brief in Die Hervormer, Mei 2011*)

Annatjie Pretorius, Potgietersrus

ADVERTENSIES

Advertensies waarvan ’n private individu of instansie die begunstigde is, of waarin ’n gemeente uitgebreide inligting oor ’n projek wil bekendstel, kan in die **e-Hervormer** geplaas word, teen **R114 per plasing**. Die teks moet saam met die bewys van betaling gestuur word aan mev Tessa Oppermann, per e-pos na produksie@nhk.co.za, of per faks na 086 633 4059 of 012 322 7906. GEEN advertensie sal geplaas word sonder dié bewys nie. Die verskuldigde bedrag moet uitgemaak word aan: Raad van Finansies; ABSA; tjekrekening nommer 020 000 287; takkode 632 005; **verwysing**: u naam + **e-Hervormer Ads**. Kontak mev Oppermann vir meer inligting.



RIETFONTEIN-OORNAG (PRETORIA)

Selfsorgeenhede

- gerieflik, netjies, stil, selektief
- naby hospitale, hoofweë, sentrums
- mandjie-ontbyt op aanvraag
- bekostigbaar
- veilige parkering

Kontak Adaleen by 083 345 7717



AGTERBLAD

Konteks 21 jaar

Gedurende April vier SENTIK die 21ste verjaardag van die Hervormde Kerk se gesinstydskrif *Konteks*.

Ons 21-jaar-viering en die herinnering aan die eerste treë, het meegebring dat ons ook weer moes teruggaan na ons eerste liefde, ons roeping en ons visie. Dit het waardering en dankbaarheid opgeroep. Waardering vir dit wat voorgangers met moed en geloof, visie en vasberadenheid vermag het, en dankbaarheid vir die groot voorreg om met hierdie opdrag vertrou te word.

In die eerste redakteur, dr Paul de Beer (1990-2004), se woorde: “*Konteks* het nooit sy goed versorgde bladsye beskikbaar gestel vir vetes en gevegte nie. Daarom kon ons, selfs deur die moeilike dekade van die eb en vloed van politieke verandering in ons land, dit gespaar bly.”



Daar is ook 'n drukkersvriendelike weergawe (sonder foto's) van hierdie nuusbrieff beskikbaar, wat vandeeweek 247 kilogrepe groot is. Vind die drukkersvriendelike weergawe by www.hervormer.co.za, of stuur 'n versoek na karen@nhk.co.za om dit weekliks te ontvang.